



40149

kat.komp

Mag. St. D.

P

Fest. 3215

Papenburger Phil.

Ustienii Jacobi: Quaestio de divinisimo

St. Eucharistiae Sacramento.

Biblioteka Jagiellońska



stdr0002950

QVÆSTIO

DE

DIVINISSIMO SS. EYCHARI-
STIÆ SACRAMENTO.

A

M. JACOBO USTIENSE S. FLO-
riani Canonico, S. T. Bacca' aureo, ad disputan-
dum in Alma Academia Cracoviensi.
proposita.

Præsidente

Admodum Reuerendo Patre,

D. MARTINO CAMPIO VADOVIO

S. Th. Doctore, ac publico Professore, eiusdemq;
Facultatis Decano, ad S. Floriani
Præposito.

Disputabitur in Lectorio DD.

Theologorum. Die vltima August. Hora 12.



Mille corusca modis totidem Crux digna triumphis,
Mille Poëtarum condecoranda metris.
En se deijciunt subter tua cornua Lūnæ,
Vt radio de te splendidiore micent.
Fortunata domus quæ tanta luce coruscat;
Non Phæbi rutilat fulgidiore iubar.

40149

I 62

*Perillustri & Admodum Reuerendo
Domino,*

ANDREÆ SZYSZKOWSKI
ECCL: CATHED: CRAC.
SCHOLASTICO:

Custodi Plocensi, Præposito Ilzenfi, Archidiacono
Zauichostenfi, Decano Sendomiriensi,
S. R. M. Secretario.

Domino & Patrono suo colendissimo.

M. Iacobus Vstienfis S. Theolog. Baccal. prompta
obsequia.



TS I periclitanti Patriæ prospicere sit
longè alterius curæ, ab ea quæ rei lit-
terariæ incrementis impenditur, Per-
illustri & Admod. Reuer. Domine,
utriusque tamen excellentiam pasto-
rali vigilantie coniunctam, in Illustrissimo Antistite
Patruo Tuo. Academiæ nostræ Cancellario, plurimum
suspicit & veneratur inclita huius Regni Nobilitas.
Nam ut superiora taceam, nunc, inde Paganorum,
hinc atque hinc hereticorum armis in exitium Poloniæ
conspirantibus, ille in firmissimis utrique hosti presi-
diis

aliis opponendis, studio & alacritate plurimos praeueniens, amoris in patriam difficillimo tempore contestandi, praeclarum in se exhibuit exemplum, huius & sequentis aui ciuibus imitandum. Nec propterea aliquid eorum, quae in rem Scholae Regni essent praetermissit, sed diuturna tempestate iactata, emergendi ex his procellis spem obiecit, oblato fauore ac benefica ope sua, quae proluxa ingeniorum in spaciis Academicis contentiones confirmauit. Ita Pastoris vigilantia, Senatoris sapientia, Ciuis amor, & Cancellarij in prouehendis ad optatos exitus D. Jagelonis uotis, pietas, maxime ac Diuinae virtutes, quibus singulis sua laus & ueneratio debetur, in Illustrissimo Patruo collectae, inusitato & admirando laudum splendore, uetusta maiorum, uestrorum Decora exaggerant ac immortalitati consecrant. Ad tam insignem de Ecclesia, de Patria bene merendi facultatem, ad hos inquam in Republica gradus aliquando consequendos, generis claritas, liberalis institutio, & domesticarum uirtutum emulatio Tuos eximios conatus certo est prouectura. Ceterum litterarum atq; adeo Academiae quam D. Jagelo omnium disciplinarum ueluti fontem irrigandis amplissimis Regni Prouinciis constituit, unde uniuersi Regni Ordines, sapientiam & bene uiuendi praecepta du-

centis

centis & amplius annis hauserunt: cum ea dignitate,
quâ in Augusto Canonorum Cracoviensium Colle-
gio emines, Patrocinium te suscepisse confidimus.
Neque enim te egregie scientiis excultum latere po-
test, doctrinam atque sapientiam cum Ecclesiasticis
functionibus, tum quibusvis Ordinibus atque conditio-
ni per necessariam florere non posse, nisi Principum &
illustrum virorum favore ac beneficentia litteræ &
earum cultores sustententur & ornentur. Rem itaq;
& Tuo excelso animo consentaneam, & honori in quē
te Tua virtus euexit, & ad altiores vocat debitam exi-
stimavi, si Questionem hanc de Divinissimo SS. Eucha-
ristie Sacramento arduam, sub tuis auspiciis in arenā
Academicam produxero, ac illius perdifficilem & pe-
riculosam propugnationem, Te patrono Fautore &
Spectatore, non modò non exhorruero, sed tantò ala-
crius aggrediar, quantò in Tua dignitate & doctrinæ
excellencia, illiusq; propaganda desiderio, maiora & mi-
hi propiora presidia, reposita esse animaduerto. Neg-
enim dubium est Illustrissimo Antistiti Patriuo Tuo
Cancellario in res Academicas iuvandas propenso,
hanc Tuam egregiam in promouendis Academicorum
circa inquirenda & explicanda arcana fidei mysteria
studiis, in excitandis concertationibus voluntatem fore
pericun-

periucundam, Tuis preclaris de Ecclesia, de Patria merendi susceptis consiliis dignam, & ad expectationem, quam illustribus virtutum speciminibus animis hominum inferuisti cumulandam, non inutilem: publica autem utilitati, que omnibus ad solidam laudem & immortalitatem glorie aspirantibus maxime debet esse cura, valde necessariam. Quamobrem Perillustre & Adm. Reuerende Domine, erit Tuae humanitatis meam hanc, de Tuo erga bonas disciplinas fauore, & in Regni Scholam beneuolentia, persuasionem ac spem, ita acceptare, ut quiuis intelligat isto tuo infelici, quo littere & Mecenatibus & suo honore orbantur, sub Vestris decoribus presidij ac ornamentorum sedem inuenisse, postquam sicut in magnam aliarum Illustrissimi Patruum virtutum, ita huius semper celebrata hereditatem non inuiti succeditis. Me autem cum hac Tui liberalis animi appellatione, obseruantiam & officiorum studia offerentem, ut in eorum numero quos Tua gratia & amor illustrat, fortuna tuctur esse velis etiam atque etiam rogo. Ex Collegio Maiori. Die 25. Augusti. Anno 1626.

Q V Æ S T I O.

DE DIVINISSIMO SS. EUCHARISTIAE SACRAMENTO.

Ex 3. p. Summæ Angelici Doctoris.

V Cōuerſio panis in Chriſti corpus & vini in ſanguinem verbis Domini: *Hoc eſt corpus meum. & Hic eſt calix ſanguinis mei,* à ſacerdote prolatis facta: primò & per ſe terminetur ad ſubſtantiã corporis & ſanguinis Chriſti ſub nouo modo exiſtēdi, necne?

CONCLUSIO I.

Conſecratione SS. Eucharistiæ fit conuerſio totius panis ſubſtantiæ in Chriſti corpus, & vini in ſanguinem.

COROLLARIA.

1. *Chriſtus realiter & verè eſt præſens in SS. Eucharistiæ.*
2. *SS. Eucharistiæ Sacramento meritò cultus latriæ exhibetur.*

3. Sacramentum hoc ceteris est longè prestantius.
4. Erroneè tenet Durandus post consecrationem panis aut vini materiam manere.
5. Aliquid substantie panis vel vini manere post consecrationem asseuerare, est hereticum.
6. In conuerfione enunciatio hec: panis potest esse corpus Christi, non verificatur.

CONCLUSIO II.

Confectio SS. Eucharistiæ prolatione formarum:
Hoc est corpus meum, supra panem, & *Hic est calix sanguinis mei*, supra vinum, perficitur.

COROLLARIA.

1. Formæ consecrationis SS. Eucharistiæ sunt & significatiuæ & operatiuæ.
2. Formæ dictæ in ultimo instanti prolationis cum ordine ad verba præcedentia operantur.
3. Consecratio panis, consequitur effectum ante consecrationem vini.
4. SS. Eucharistiæ Sacramentum ante usum perficitur.

Alia

5. *Alia verba quæ adhibentur, ad consecrationis essentiam non pertinent.*
6. *Panis ex grano tritici aut siliginis, & vinum ex vite est materia huic Sacramento propria.*

CONCLUSIO III.

SS. Eucharistiæ conficiendæ ac dispensandæ facultas, est penes solum sacerdotem intendentem facere quod facit Ecclesia.

COROLLARIA.

1. *Dispensatio SS. Eucharistiæ ex commissione sacerdotis Diacono competit.*
2. *Sacramentum hoc Subdiaconus nequaquam potest dispensare.*
3. *Per nullam Ecclesiasticam censuram facultas conficiendæ SS. Eucharistiæ à Sacerdote potest tolli.*
4. *Usus tamen conficiendæ SS. Eucharistiæ sacerdoti potest inhiberi.*
5. *Neque malitia, neque degradatio possunt inuvalidare confectionem huius Sacramenti.*
6. *Sacerdos conficiens SS. Eucharistiam ad illius usum obligatur.*

CONCLUSIO IV.

Facta conuersione, accidentia panis & vini eadem numero manent absque subiecti concursu.

COROLLARIA.

1. *Falsum est accidentia manentia ab aëre circumstante sustineri.*
2. *Accidentium prefatorum modus existendi est supernaturalis.*
3. *Desinente subiecto accidentia desinere, simpliciter non est necesse.*
4. *Ex hoc mysterio non infertur migratio accidentium de subiecto in subiectum.*
5. *Conuersionis predictæ termini habent tertium commune.*
6. *Terminus ad quem huius conuersionis, fidei beneficio nobis innotescit.*

CONCLUSIO V.

Accidentia post consecrationem manentia à quantitate panis & vini sustentantur.

COROLLARIA.

1. *Post consecrationem panis & vini quantitati modus existendi substantialis confertur.*

2. *Gratis asseritur præter quantitatem aliis accidentibus modum per se existendi in hoc sacramento adesse.*
3. *Accidentia præfata possunt aliquid extra se immutare.*
4. *Nutriendi vis dictis accidentibus inest.*
5. *Nullum est miraculum species sacramentales frangi & alterari.*
6. *Fractis speciebus sacramentalibus nulla corporis Christi sequitur diuisio.*

CONCLUSIO VI.

Conuersio primò & per se terminatur ad substantiam corporis & sanguinis Christi.

1. *Conuersio hæc ab Ecclesia conuenientissime appellatur transubstantiatio.*
2. *In conuersione hæc nulla annihilatio interuenit.*
3. *Conuersio hæc in momento perficitur, nec habet ullam præuiam alterationem.*
4. *Conuersio est per se causa presentie Christi in SS. Eucharistia.*
5. *Falsum est conuersionem primo & per se terminari ad conseruationem Christi intra species.*

Ad con-

6. *Ad conuersionem panis in corpus Christi, concomitantter sese habent sanguis anima & Diuinitas Christi.*

CONCLUSIO VII.

Christus licet idem numero sit in cœlo & in SS. Eucharistiæ Sacramento, hic tamen alium essendi modum habet.

COROLLARIA.

1. *Modus predictus existendi consistit in corporis vel sanguinis Christi habitudine (excepta inherencia) eadem, quam habuit panis & vinum ad sua accidentia manentia.*
2. *Christus in hoc Sacramento non est tanquam in loco.*
3. *Sub utraque specie tota & in qualibet utriusque speciei est totus Christus.*
4. *Nulla mutatio per se cadit in Christum in hoc Sacramento existentem.*
5. *Christus in SS. Eucharistia à nullo oculo corporeo potest videri.*
6. *Datur modus existendi alius à localitatem definitiuo, quam circumscriptiuo.*



